

列傳第二十八

陳書三十四

散騎常侍姚

思廉撰

文學

杜之偉

顏晃

江德操

庾持

許亨

褚玠

卷二十八

岑之敬

陸琰 弟瑜

何之元

徐伯陽

張正見

蔡凝

阮卓

易曰觀乎天文以化成天下孔子曰燠乎其有
文章也自楚漢以降辭人出洛汭江左其流

彌暢莫不思侔造化明並日月大則憲章典謨
裨贊王道小則文理清正申紓性靈至於經禮
樂綜人倫通古今述美惡莫尚乎此後主嗣業
雅尚文詞傍求學藝煥乎俱集母臣下表疏及
獻上賦頌者躬自省覽其有辭工則神筆賞激
加其爵位是以宿紳之徒咸知自勵矣若各位
文學是等者列以功迹論今綴杜之偉等學既
兼文備于此篇云爾

杜之偉字子大吳郡錢塘人也家世儒學以三禮

東門父規梁秦朝請與光祿大夫濟陽江革都
官尚書會稽孔休源友善之偉幼精敏有逸才
七歲受尚書稍習詩禮略通其學十五遍觀文
史及儀禮故事時輩稱其早成僕射徐勉嘗見
其文重其有筆力中大同元年梁武帝幸同泰
寺捨身勅勉撰定儀註勉以臺閣先無此禮召
之偉草具其儀乃啓補東宮學士與學士劉涉
等鈔撰羣書各爲題目所撰富教政道二篇皆
之偉爲序及湘陰侯蕭昂爲江州刺史以之偉

掌記室昂卒廬陵王續代之又手教招引之偉
固辭不應命乃送昂喪柩還京仍侍臨成公讀
尋除揚州議曹從事南康嗣王墨書參軍兼太
學限內博士七年梁皇太子釋奠於國學樂
府無孔子顏子登哥詞尚書參議令之偉制其
文伶人傳言以爲故事轉補安前邵陵王田曹
參軍又轉刑獄參軍之偉年位甚卑特以彊識
俊才頗有名當世吏部尚書張纘深知之以爲
庶廟器也及景反之偉逃竄山澤及高祖爲丞

相素聞其名召補記室參軍遷中書侍郎領大
著作高祖受禪除鴻臚卿餘竝如故之偉啓求
解著作曰臣以紹泰元年忝中書侍郎掌國史
于今四載臣本庸賤謬蒙盼識思報恩獎不敢
廢官皇曆惟新驅馭軒昊記言記事未易其人
著作之材更宜選衆御史中丞沈炯尚書左丞
徐陵梁前兼大著作虞恭梁前黃門侍郎孔奐
或清文瞻筆或彊識稽古遷重之任允屬羣才
臣無容遽變市朝再妨賢路元朝皆讓誠不可

追陳力就列庶幾知免優勅不許尋轉大匠卿
遷太中大夫仍勅撰梁中興永定三年卒時年五
十二高祖甚悼惜之詔賜通直散騎常侍賻錢
五萬布五十匹棺一具即日舉哀之偉爲文不
浮華而溫雅博瞻所撰多遺失存者十七卷
顏晃字元明琅邪臨沂人也少孤貧好學有辭
采解褐梁邵陵王兼記室參軍時東宮學士虞
信嘗使于府中王使晃接對信輕其尚少曰此
兼記室幾人晃答曰個當少於宮中學士當

以爲善對侯景之亂，以奔荊州。承聖初，除中書侍郎。時杜龕爲吳興太守，專好勇力，其所部多輕險少年。元帝患之，使是督其書翰，仍勅龕曰：卿年時尚少，習讀未晚，願是文學之士。使祖毗佐造次之間，必宜諮臬及龕，誅是歸世祖。世祖委以書記，親遇甚篤。除宣毅府中錄事兼記室參軍。永定二年，高祖幸大莊嚴寺，其夜甘露降，是獻甘露頌詞，義法與高祖甚奇之。天嘉初，遷員外散騎常侍，兼中書曰舍人，掌詔誥。三年

謚

卒，時年五十三。詔贈司農卿，論曰：貞子并賜墓，此見家世單門，傍無戚援，而介然脩立，爲當世所知。其表奏詔誥，下筆立成，便得事理而雅有氣質。有集二十卷。

江德操，字德藻，濟陽考城人也。祖柔之，齊尚書舍部郎中。父革，梁度支尚書。光祿大夫德藻好學，善屬文，美風儀，身長七尺四寸，性至孝，事親盡禮。與異產昆弟居，恩惠甚篤。起家梁南中郎。武陵王行參軍、大司馬南平王蕭偉聞其才，召

爲東閣祭酒遷安西湘東王府外兵參軍尋除
尚書比部郎以父憂去職服闋之後容貌毀瘠
如居喪時除安西武陵王記室不就久之授廬
陵王記室參軍除廷尉正尋出爲南兖州治中
及高祖爲司空征北將軍引德藻爲府諮議轉
中書侍郎遷雲麾臨海王長史陳臺建拜尚書
吏部侍郎高祖受禪授祕書監兼尚書左丞尋
以本官兼中書舍人天嘉四年兼散騎常侍與
中書郎劉師知使齊著北征道理記三卷還拜
太子中庶子領步兵校尉頃之遷御史中丞坐
公事免尋拜振遠將軍通直散騎常侍自永寧
縣出補新喻令政尚恩惠頗有異績六年卒於
官時年五十七世祖甚悼惜之詔贈散騎常侍
所著文筆十五卷子椿亦善屬文歷太子庶子
尚書左丞

庾持字允德潁川鄢陵人也祖佩王宋長沙內
史父彌梁長城令持少孤性至孝居父憂過禮
篤志好學尤善書記以才藝聞解褐梁南平王

國左常侍輕車河東王府行參軍兼尚書郎尋
而為真出為安吉令遷鎮東邵陵王府限外記
室兼建康令天監初世祖與持有舊及世祖為
吳興太守以持為郡丞兼掌書翰自是常依文
帝文帝剋張彪鎮會稽又令持監臨海郡以貪
縱失民和為山盜所劫幽執十旬世祖遣劉澄
討平之持乃獲免高祖受禪授安東臨川王府
諮議參軍天嘉初遷尚書左丞以預長城之功
封崇德縣子邑三百戶拜封之日請令史為客

受其餉遺世祖怒之因坐之罪尋為宣惠始興王
府諮議參軍除臨安令坐杖殺縣民免封遷為
給事黃門侍郎除稜威將軍謫管令光大元年
遷秘書監知國史事又為少府卿領羽林監遷
太中大夫領步兵校尉太建元年卒時年六十
二詔贈光祿大夫持善字書每屬辭好為奇字
六士亦以此譏之有集十卷

許亨字亨道高陽新城人晉徵士詢之六世孫
也曾祖陸歷給事申委桂陽太守高尚其志居

末與之究山即詢之所隱也祖勇慧齊太子家
令穴從僕射父懋梁始平天門二郡守太子中
庶子散騎常侍以學藝聞撰毛詩風雅比興義
類十五卷述行記四卷身少傳家業孤介有節
行博通羣書多識前代舊事名輩皆推許之甚為
南陽劉之遴所重每相稱述解褐梁安東王行
參軍兼太學博士尋除平西府記室參軍太清
初為征西中記室兼太常丞侯景之亂避地郢
州會梁邵陵王自東道至引為諮議參軍王僧
辯之襲郢州也素聞其名乃口為儀同從事中郎
遷太尉從事中郎與吳興沈炯對掌書記府朝
政務一以委焉尋安王承制授給事黃門侍郎
尋奉牋辭府僧辯答曰自生口承有朝授良為德
舉卿操尚博深文藝該洽學優而官自致青紫
况父羈駿足將成頓轡且輔二虛圖期寄實深既
欣遊處用忘勞屈而枳棘仍栖常以增歎夕郎
之選雖為清顯位以才升差自無愧且卿始云
受命方騁康衢未有執紼之疲便深夜行之慨

循復來翰殊用憮然古人相思千里命駕素心
不昧寧限城闈存顧之深荒蕪無已高祖受禪
授中散大夫領羽林監遷太中大夫領大著作
冠梁中事初僧辯之誅也所司收僧辯及其子顓
孫方山同坎埋瘞至是無敢言者竟以故吏抗
違請葬之乃與故義徐陵張種孔奐等相率以
家財營葬具凡七柩皆改定焉光大初高宗入
輔以身真正有古人之風甚相欽重常以師禮
事之及到仲舉之謀出告高宗也毛喜知其詐高

宗問其意勸必奉詔高宗即位拜衛尉卿大建
二年卒時年五十四初撰齊書并志五十卷遇
亂失亡後撰梁史成書五十八卷梁太清之後
所製文筆六卷子善心早知名官至尚書度支
侍郎

褚玠字溫理河南陽翟人也曾祖炫宋昇明初
與謝朓江數劉俱入侍殿中謂之四友官至侍
中吏部尚書蓋貞子祖暹梁御史中丞父蒙太
子舍玠九歲而孤為叔父驃騎從事中郎隨所

養阜有令譽先達多以才器許之及長美風儀
善占對博學能屬文詞義典實不好豔靡起家
王府法曹歷轉外兵記室天嘉中兼通直散騎
常侍聘齊還為桂陽王友遷太子庶子中書侍
郎大建中山陰縣多豪猾前後令皆以贓汙免
高宗患之謂中書舍人蔡景歷曰稽陰大邑久
無良宰卿文士之內試思其人景歷進曰褚
玠廉儉有幹用未審堪其選不高宗曰甚善卿
言與朕意同乃除戎昭將軍山陰令縣民張次

的王休達等與諸猾吏賄賂通蔽全丁六戶類
多隱沒玠乃鎖次的等具狀啓臺高宗主勅慰
勞并遣使助玠搜括所出軍民八百餘戶時舍
人曹義達為高宗所寵縣民陳信家富於財詣
事義達信心顯文恃勢橫暴玠乃遣使執顯文
鞭之一百於是吏民股慄莫敢犯者信後因義
達譖玠竟坐免官玠在任歲餘守祿俸而已去
官之日不堪自致因留縣境種蔬菜以自給或
嗾玠以非百里之才玠答曰吾委輸課最下後

列城除殘去暴姦吏局躋若謂其不能自潤脂膏則如來命以為不達從政吾未服也時人以爲信然皇太子知玠無還髮手書賜粟米二百斛於是還都太子愛玠文辭令入直殿省十一年除電威將軍仁威淮南王長史頃之以本官掌東宮管記十二年遷御史中丞卒于官時年五十二玠剛毅有膽決兼善騎射嘗從司空左安都於徐州出獵遇有猛獸玠引弓射之再發及皆中口入腹俄而獸斃及爲御史中丞甚有聲且繩

之稱自梁末喪亂朝章廢弛司憲因循守而勿革玠之欲改張大爲條例網維略舉而編次未訖故不列于後焉及卒太子親製誌銘以表惟舊自至德二年追贈祕書監所製書奏雜文二百餘篇皆切事理由是見重於時子亮有才學官至尚書殿中侍郎

岑之敬字思禮南陽棘陽人也父善紆梁世以經學聞官至吳寧令司義郎之敬年五歲讀孝經每燒香正坐親戚咸加歎異年十六策春

左氏制言孝經義擢為高第御史奏曰皇朝多
士例止明經若顏閔之流乃應高第矣武帝省
其策曰何妨我復有顏閔邪因召入面試令之
敬昇講座勅中書舍人朱异執孝經唱上言武
帝親自論難之敬剖釋縱橫應對如響左右莫
不嗟服乃除童子奉車郎賞賜優厚十八預重
雲殿法會時武帝親行香熟視之敬曰未幾見
兮突而升兮即日除太子學限內博士尋為書
學士司義郎又除武陵太守安西府刑獄參軍

訣

太清二年表請試吏除南沙令及侯景之亂之敬
率領所部赴援京師至郡境聞臺城陷乃與眾
辭訣歸鄉里承聖二年除晉安王官惠府中記
室參軍是時蕭勳據嶺表勅之敬宣曰慰喻會
江陵階仍留廣州太建初還朝授東宮中衛
士太子素聞其名尤降賞接累遷鄱陽王中衛
府記室鎮北府中錄事參軍南臺治書侍御史
征南府諮議參軍之敬始以經業進而博涉文
史雅有詞筆不為醇儒性謙謹未嘗以才學矜

物接引後進恂恂如也每忌日營齋必躬自洒掃涕泣終日士君子以篤行稱之十一年卒時年六十一太子嗟惜賻贈甚厚有集十卷行於世子德潤有父風官至中軍吳興王記室

陸琰字溫玉吏部尚書瓊之從父弟也父令公梁中軍宣城王記室參軍琰幼孤好學有志操州舉秀才解褐宣惠始興王行參軍累遷法曹外兵參軍直嘉德殿學士世祖聽覽餘暇頗留心史籍以琰博學善占引置左右嘗使製刀

金琰援筆即成無所點竄世祖嗟賞久之賜衣一龍襲俄兼通直散騎常侍副琅邪王厚聘齊及至鄴下而厚病卒琰自為使主時年二十餘風神韶亮占對閑敏齊士大夫甚傾心焉還為雲麾新安王主簿遷安成王長子寧遠府記室參軍太建初為武陵王明威府功曹史兼東宮管記丁母憂去官五年卒時年三十四太子甚傷悼之手令舉哀加其賻贈又自製志銘至德二年追贈司農卿琰寡嗜欲鮮矜競遊心經籍晏

如也其所製表文筆多不存本後主求其遺文撰成二卷有弟瑜

瑜字幹玉少篤學美詞藻州舉秀才解褐驃騎安成王行參軍轉軍師晉安王外兵參軍東宮學士兄琰時爲管記竝以才學娛侍左右時人比之二應太建二年太子釋奠于太學宮臣竝賦詩命瑜爲序文其瞻麗激尚書祠部郎中丁母憂去職服闋爲桂陽王明武將軍功曹史兼東宮管記累遷永陽王文學太子洗馬中舍人

甚

瑜幼長讀書晝夜不廢聰敏彊記一覽無復遺失嘗受莊老於汝南周弘正學成實論於僧滔法師竝通大旨時皇太子好學欲博覽群書以子集繁多命瑜鈔撰未就而卒時年四十四太子爲之流涕手令舉哀官給喪事并親製祭文遣使者弔祭仍與詹事江撝書曰管記陸瑜奄然殂化悲傷悼惜此情何已吾生平愛好卿等所悉自以學涉儒雅不逮古人欽賢慕士是情尤篤梁室亂離天下糜沸書史殘缺禮樂

崩淪晚生後學匪無牆面卓爾出群斯人而已
吾識覽雖局未曾以言議假人至於片善小才
特用嗟賞况復洪識奇士此故忘忘言之地論其
博綜子史諳究儒墨經耳無遺觸目成誦一褻一
貶一激一揚語玄析理披文摘句未嘗不聞者心
伏聽者解頤會意相得自以為布衣之賞吾
監撫之暇事隙之辰頗用譚笑娛情琴樽間作
雅篇豔什迭互絳起每清風朗日美景良辰對
羣山之參差望巨波之澗澗或翫新花時觀落

葉既聽春鳥文聆秋鴈未嘗不促膝舉觴連
情發藻且代琢磨間以嘲謔俱怡耳目竝留情
致自謂百年為速朝露可傷豈謂工折蘭摧
遽從短運為悲為恨當復何言遺迹餘文觸
目增滋絕絃投筆恒有酸恨以卿同志聊復叙
懷涕之無從言不寫意其見重如此至德二年
追贈光祿卿有集十卷瑜有從父兄玠從父弟琛
玠字潤玉梁大匠卿晏之子弘雅有識度好學
能屬文舉秀才對策高第吏部尚書袁樞薦

之於世祖超授衡陽王文學直天保殿學士太
建初遷長沙王友領記室後主在東宮聞其名
徵爲管記仍除中舍人管記如故甚見親待尋
以疾失明將還鄉里太子解衣贈珍爲之流涕八年
卒時年二十七有令舉哀并加賜贈云德二年追
贈少府卿有集十卷琛字潔玉宣毅臨川王長
史丘公之子少敬言俊事後母以孝聞世祖爲會
稽太守琛年十八上善政頌甚有詞采由此知名
舉秀才起家爲衡陽王主簿兼東宮管記歷

豫章王文學領記室司徒主簿直宣明殿學士
尋遷尚書三公侍郎兼通直散騎常侍聘齊還爲司
徒左西掾又掌東宮管記太子愛琛才辯深禮
遇之後主嗣位遷給事黃門侍郎中書舍人參
掌機密琛性頗踈坐漏洩禁中語詔賜死時年
四十二

何之元廬江藩人也祖僧達齊南臺治書侍御
史父法勝以行業聞之元幼好學有才思居喪
過禮爲梁司空袁昂所重天監末昂表薦之因

得召見解褐梁太尉臨川王揚州議曹從事史
尋轉主簿及昂為丹陽尹辟為丹陽五官掾掾
戶曹事尋除信義令之元宗入敬容者勢位隆
重頻相顧訪之元終不造焉或問其故之元曰
昔楚人得寵於觀起有馬者皆亡夫德薄任隆
必近覆敗吾恐不獲其利而招其禍識者以是
稱之會安西武陵王為益州刺史以之元為安
西刑獄參軍侯景之亂武陵王以太尉承制授
南梁州長史比巴西太守武陵王自成敗與兵

東下之元與蜀中民庶抗表請無行王以為沮
眾囚之元于艦中及武陵亡共敗之元從邵陵大
守劉恭之郡俄而江陵陷劉恭卒王琳乃為記
室參軍梁敬帝冊琳為司空之元除司空府諮
議參軍領記室王琳之立畫畫莊也署為中書侍
郎會齊文宣帝薨令之元赴弔還至壽春而王
琳敗齊主以為揚州別駕所治即壽春也及梁
軍北伐得淮南地湘州刺史以和興王叔陵遣功
曹史柳咸賈書召之元之元以和興朝庭有隙及

書至大惶恐讀書至孔璋無非左車見用之元
仰而歎曰辭旨若此豈欺我乎遂隨咸至湘州
太建八年徐中衛府功曹參軍事尋遷諮議參
軍及叔陵誅之元乃屏絕人言手銳精著述以爲
梁氏肇自武皇終于敬帝其興亡之運盛衰之
跡足以垂鑒戒定襄果究其始終起齊永元元
年迄于主琳遇獲七十五年行事草創爲三十
卷號曰梁典其序曰記事之史其流不一繼年
之作無若春秋則魚目史之書非帝皇之籍也案

一皇之簡爲三墳五帝之策爲五典此典義所
由生也至乃尚書述唐帝爲堯典虞帝爲舜典
斯又經文明據是以典之爲義久矣哉若夫馬
史班漢述帝稱紀自茲厥後因相祖習及陳壽
所撰名之曰志摠其二國分路揚鑣唯何法盛
晉書變帝紀爲帝典既云師古在理爲優故今
之所作稱爲梁典梁有天下自中大同以前區
寓寧晏太清以後寇盜交侵首尾而言未爲盡
美故開此一書分爲六意以高祖創基因乎齊

末尋宗討本起自永元今以前如干卷為追述
高祖生自布衣長於弊俗知風教之藏否識民
黎之情偽爰逮君臨弘斯政術四紀之內寔古
殷皇今以如干卷為太平世不常夷時無恒治
非自我後仍屬橫流今以如干卷為敘亂洎高
祖晏駕之年太宗幽厲之歲謳歌獄訟向西陝
不向東都不庭之民流逸之士正戈禮樂歸世
祖不歸太宗撥亂反正厥庸斯在治定功成其
勲有屬今以如干卷為世祖至於一海困窮五

嗣

德

帝則敬皇紹立仍以禪陳今以下卷為

敬帝驃騎王琳宗立後詞雖不達天命然是其

忠節今以如干卷為後嗣主至在大宗雖加美

諡而實之號世所不遵蓋以拘於賊且尔故也

承聖紀歷自撰太清神筆詔書非宜輒改詳之

後論蓋有理也夫事有始終人有業行本末之

間頗宜詮敘實藏榮緒稱史無裁斷猶起居注

耳由是而三言其詳志又編年而舉其威次者

蓋取八明而易尋也若夫儉狃孔熾鯁柔以中原

始自一毫改爲二三事有相涉言成相臨以今以
未分之前以爲北魏既分之後高氏所轄與東魏
宇文所挾爲西魏所以相分別也重以美彰殊
體繁省異文其間損益頗有凡例禎明三年京
城陷乃移居常州之三日陵縣隋開皇十三年卒
于家

徐伯陽字隱忍東海人也祖度之齊南徐州議
曹從事史父僧權授東宮通事舍人領祕書以
善書知名伯陽敏而學善色養進止有節年

十五以文筆稱學去秋左氏家有史書其所讀者近
三千餘卷試策高墨亦尚書板補梁河東王國右常

侍東宮學士臨川嗣王府墨曹參軍大同中出爲候

官令其得民和侯景之亂伯陽浮海南至廣州依

於蕭勃勃卒還朝仍將家屬之吳郡大嘉嘉二年詔

侍旦安王讀尋除司空侯安都府記室參軍事安

都素聞其名見之降席爲禮言露降樂遊苑詔賜

宴都令伯陽爲謝表世祖覽而奇之太建初中

記室李爽記室張正見左民郎賀徹學士阮卓

黃門郎蕭惠註三公郎王由禮處士馬樞諸室祖
孫登比部賀循長史劉登等為文會之友後有
蔡凝劉助陳暄孔範亦預焉皆一時之士也遊
宴賦詩勒成卷軸伯陽為其集序盛傳於世及
新安王為南徐州刺史除鎮北新安王府中記
室參軍兼南徐州別駕帶東海郡丞鄱陽王為
江州刺史伯陽嘗奉使造焉王率府僚與伯陽
登匡嶺置宴酒酣命筆賦劇韻二十伯陽與祖
孫登前成二賜以奴婢雜物及新安王還京除

臨海嗣王府限外次

議參軍十二年春皇太子

幸大學詔新安王以

辟雍發論語題仍命伯陽

為辟雍頌甚見佳賞

除鎮右新安王府諮議參

軍事十二年聞姊喪發疾而卒時年六十六

張正見字見隴清河出不武城人也祖蓋之魏散

騎常侍勃海長樂二郡太守父脩禮魏散騎侍

郎歸梁仍拜本職遷懷安太守正見幼好學有

清才梁簡文在東宮正見年十三獻頌簡文深

賞賞之簡文雅尚學業不母自升座說經正見嘗

預講筵請決疑義吐納和順進退詳雅四座咸
屬目焉太清初射策高第除邵陵王國左常侍
梁元帝立拜通直散騎侍郎遷彭澤令屬梁季
喪亂避地於匡俗山時焦度擁眾自保遣使
請交正見懼之遜辭延納然以禮法自持僧度
亦雅相敬憚高祖受禪詔正見還都除鎮東鄱
陽王府墨曹行參軍兼衡陽王府長史歷宜都
王限外記室撰史著士帶尋陽郡丞累遷尚書
度支郎通直散騎侍郎著士如故太建中卒時

年四十九有集十四卷其五言詩尤善大行於
世

蔡凝字子居濟陽考城人也祖搏梁吏部尚書
金紫光祿大夫父彥高梁給事黃門侍郎凝幼
聰晤美容止既長博涉經傳有文辭尤工草隸
天嘉四年釋褐受祕書郎轉廬陵王文學光大
元年除太子洗馬司徒主簿太建元年遷太子
中舍人以名公子選尚信義公主拜附馬都尉
中書侍郎遷晉陵太守及將之郡更令左右緝

治中書廨宇，謂賓友曰：庶來者無勞，不亦可乎？
尋授寧遠將軍尚書吏部侍郎，凝年位未高，而
才地爲時所重，常端坐西齋，自非素貴名流罕
所交接，趣時者多譏焉。高宗常謂凝曰：我欲用
義興，主壻錢肅爲黃門郎，卿意何如？凝正色對
曰：帝鄉舊戚，恩由聖旨，則無所復問。若格以僉
議，黃散之職，故須人門兼美，惟陛下裁之。高宗
默然而止。肅聞而有憾，令義興主日譖之於高
宗，尋免官，遷交阯，頃之追還，後主嗣位，授晉安

王諮議參軍，轉以事黃門侍郎。後主嘗置酒會
羣臣，歡甚，將移驛於弘治宮，衆人咸從，唯凝與
袁憲不行。後主曰：卿何爲者？凝對曰：長樂尊嚴
非酒後所過，臣不敢。衆人失色。後主曰：卿
醉矣，即令引出。他日，後主謂吏部尚書蔡徵曰：
蔡疑負地於才，無所用也。尋遷信威晉熙玉府
長史，鬱鬱不得志，乃喟然歎曰：天道有廢興，夫
子去樂天，知命斯理，庶幾可達。因製小室賦，以
見志。甚有辭理。陳亡入隋，道病卒。時年四十七。

子君知頗知名

阮卓陳留尉氏人祖詮梁散騎侍郎父問道梁
寧遠岳陽王府記室參軍卓幼而聰敏篤志經
籍善談論尤工五言詩性至孝其父隨岳陽王
出鎮江州遇疾而卒卓時年十五自都奔赴水
漿不入口者累日屬侯景之亂道路阻絕卓冒
履險艱載喪柩還都在路遇賊卓形容毀瘁號
哭自陳賊哀而不殺之仍護送出境及渡彭蠡湖
中流忽遇疾風船幾沒者數日卓仰天悲號俄

而風息人皆以為孝感之靈焉世祖即位除輕車

陽王府外兵參軍天康元年轉雲麾新安王府記

室參軍仍隨府轉胡右記室帶撰史著士遷鄱陽

王中衛府錄事轉晉安王府記室著士如故及平

歐陽紇交州夷獠往往相聚為寇抄卓奉使招慰

交趾通日南象郡多金翠珠貝珍怪之產前後使

者皆致之唯卓挺身而還衣裝無他時論咸伏其

廉遷衡陽王府中錄事參軍入為尚書祠部郎遷

始興王中衛府記室參軍叔陵之誅也後主謂朝

臣曰阮卓素不同逆宜加旌異至德元年入爲德
教殿學士尋兼通直散騎常侍副王話聘隋隋主
夙聞卓名乃遣河東薛道衡琅邪顏之推等與卓
談醮賦詩賜遺加禮還除招遠將軍南海王府諮
議參軍以目疾不之官退居里舍改構亭宇脩山
池卉木招致賓友以文酒自娛禎明三年入于隋
行至江州追感其父所終曰邁疾而卒時年五十
九時有武威陰鏗字子堅梁左衛將軍子春之子
幼聰慧心九歲能誦詩賦日千言及長博涉史傳

尤善五言詩爲當時所重釋褐梁相東王法曹
參軍天寒鏗告首與賓友宴飲見行觴者因回
酒炙以授之衆坐皆笑鏗曰吾儕終日酣飲而
執爵者不知其味非人情也及侯景之亂鏗嘗爲
賊所擒或救之僅免鏗問其故乃前所行觴者
天嘉中爲始興王府中錄事參軍世祖嘗醮
羣臣賦詩徐陵言之於世祖即日召鏗預醮使賦
新成安樂宮鏗援筆便就世祖甚歎賞之累
遷招遠將軍晉陵太守負外散騎常侍頃之

卒有集二卷行於世

史臣曰夫文學者蓋人倫之所基歟是以君子異乎衆庶昔仲尼之論四科始乎德行終於文學斯則聖人亦所貴也至於杜之偉之徒值於休運各展才用之偉尤著美焉

江德操字德藻或本江德藻疑

列傳第二十八

陳書三十四

列傳第二十九

陳書三十五

散騎常侍姚思廉撰

熊曇朗

周迪

留異

陳寶應

熊曇朗豫章南昌人也世為郡著姓曇朗踰弛不羈有膂力容貌甚偉侯景之亂稍聚少年據豐城縣為柵築黠劫盜多附之梁元帝以為巴

山太守荆州陷曇朗兵力稍彊劫掠隣縣縛賣
 居民山谷之中最為巨患及侯瑱鎮豫章曇朗
 外示服從陰欲圖瑱侯方見之反鎮也曇朗為
 之謀主瑱敗曇朗獲瑱馬仗子女甚多及蕭勃
 踰嶺歐陽頔為前軍曇朗給頔共往巴山襲黃
 法氈又報法氈期共破頔約曰事捷與我馬仗
 及出軍與頔掎角而進又給頔曰余孝頃欲相
 掩襲須分留奇兵甲仗既少恐不能濟頔乃送
 甲三百領助之及至城下將戰曇朗偽北法氈

乘之頔失援狼狽退曇朗取其馬仗而歸時
 巴山陳定亦擁兵立寨曇朗偽以女妻定子又
 謂定曰周迪余孝頃並不願此婚必須以彊兵
 來迎定乃遣精甲三百并士豪二十人往迎既
 至曇朗執之收其馬仗並論價責贖紹泰二年
 曇朗以南川豪帥隨例除游騎將軍尋為持節
 風子將軍桂州刺史資領豐城令歷宜新豫章
 二郡太守王琳遣李孝欽等隨余孝頃於臨川
 攻周迪曇朗率所領赴援其年以功除持節通

直散騎常侍寧遠將軍封永化縣侯邑二千戶
給鼓吹一部又以抗禦王琳之功授平西將軍
開府儀同三司餘竝如故及周文育攻余孝劬
於豫章曇朗出軍會之文育失利曇朗乃害
文育以應王琳事見文育傳於是盡執文育
所部諸將據新淦縣帶江為城王琳東下世
祖徵南川兵江州刺史周迪高州刺史黃法
氈欲泐流應赴曇朗乃據城列艦斷遏迪等
與法氈因帥南中兵築城圍之絕其與琳信

及王琳敗走曇朗世黑援離心迪攻陷其城虜
其男女萬餘口曇朗走入村中村民斬之傳首
京師懸于朱雀觀於是盡收其黨族無少長皆
弃市

周迪臨川南城人也少居山谷有膂力能挽墮
弩以弋獵為事侯景之亂迪宗人周續起兵於
臨川梁始興王蕭毅以郡讓續迪召募鄉人從
之每戰必勇冠眾軍續所部渠帥皆郡中豪族
稍騎橫續頗禁之梁帥等竝怨望乃相率殺續

推迪為主迪乃據有臨川之地築城于工塘吳
元帝授迪持節通直散騎常侍并武將軍高州
刺史封臨汝縣侯邑五百戶紹泰二年除臨川
內史尋授使持節散騎常侍信威將軍衡州刺
史領臨川內史周文育之討蕭勃也迪按甲保
境以觀成敗文育使長史陸山才說迪迪乃大
出糧餉以資文育勃平以功加振遠將軍遷江
州刺史高祖受禪王琳東下迪欲自據南川乃
檄召所部八郡守宰結盟設拜言入赴朝廷恐其

為變因厚慰撫之琳至湓城蒞吳洞主余孝頃
舉兵應琳琳以為南川諸郡可傳檄而定乃遣
其將李孝欽樊猛等南徵糧餉猛等與余孝頃
相合眾且二萬來趨工塘連八城以逼迪迪使
周敷率眾頌臨川故郡截斷江口因出與戰大
敗之屠其八城生擒李孝欽樊猛余孝頃送于
京師收其軍實器械山積并虜其人馬迪泣自納
之衣定二年以功加平南將軍開府儀同三司增
邑一千五百戶給鼓吹一部世祖嗣位進號安南

將軍熊曇朗之友也。迪與周敷黃法蕤等率六共圍曇朗屠之。盡有其衆。王琳敗後，世祖徵迪出鎮淦城。又徵其子入朝。迪越起顧望，遂不至。豫章太守周敷本屬於迪，至是與黃法蕤率其所部詣闕。世祖錄其破熊曇朗之功，竝加官賞。迪聞之，甚不平。乃陰與留異相結。及王師討異，迪疑懼不自安。乃使其弟方與率兵龍衣周敷，敷與戰破之。又別使兵襲華佗於淦城，事敗。盡為侯所擒。三年春，世祖乃下詔赦南川士民為迪所誅，誤勿使。江州刺史

吳明徹都督衆軍，與南州刺史黃法蕤、豫章太守周敷討迪。於是尚書卑符曰：「告臨川郡士庶：昔西京為盜，信越皆誅。東都中興，萌寵違戾。是以鷹鷂競逐，殲醢極誅。自古有之，其來尚矣。逆賊周迪本出輿言，至有梁喪亂，暴掠山谷。我高祖躬率百越，師次九川，濯其泥沙，假以毛羽。裁解豚佩，仍剖獸符，郊翼之恩，方斯莫喻。皇運肇基，頗布誠款。國步艱難，宜見微効。力龍節，繡衣藉王爵，而御下熊旗。組甲四地，險而陵上。日者王琳

始貳肅勅未夷一四結三湘南這五嶺衝廣勘定
既安及側江郢紛梗復王攜背擁據一郡苟且
百心志貌常違一迹不副特以新吳未靜地遠
兵彊互相兼并成其形勢收獲器械俘虜士民並
曰私財曾無獻捷時遣一介終持兩端朝廷光
太含弘引納宗遇遂以位等三槐任均四嶽富
貴隆赫超絕功臣加以出師逾嶺遠相響援按
甲斷江翻然猜拒故司空愨公敦以宗盟情同
骨肉城池連接猶言首齒彭之禍坐觀難作

階此豐故結其黨舉一時北寇侵軼西賊憑陵
屏履猴羯悉以資其寇爵號軍容一遵偽黨及王
師凱振大定區中天網恢弘奔之度外書綸
詔撫慰綢繆冠蓋縉紳敦授重疊至於熊曇朗
勦滅曹城克定蓋由儀同法斃之元功安四周
敷之効力司勳有典慈賞斯舊豈直醜正日爲
仇讎悖禮姦謀因此滋其徵出溢城歷年不就
求遣侍子累載未朝外誘逋亡招集不逞中調
京輦規冀非常擅斂征賦空歸九府擁遏二賈

害久四民潛結賊異共為表裏同惡相攻密加
應援謂我六軍薄伐二越未寧屠破迷城虜縛
妻息分襲益鎮稱兵蠶邦拘逼會豪攻圍城邑
幸國有備應時劔殄假節通直散騎常侍仁武
將軍尋陽太守懷仁縣伯華皎明威將軍廬陵
太守益陽縣子陸子隆竝破賊徒剋全郡境持
節散騎常侍安西將軍定州刺史領豫章太守
西豐縣侯周敏躬扞溝壘身當天包率茲義勇
以寡摧衆斬馘萬計俘虜千羣迪方收餘燼還

固墉堞使持節安南將軍開府儀同三司高州
刺史新建縣侯法氈雄績早宣忠誠夙著未奉
王命前率義旅既援敷等又全子隆裹糧擐甲
仍躡飛走批熊之旅驅馳越霍振武之衆叱咤
移山以此追奔理無遺類雖復朽株將拔非待
尋斧落葉就殞無勞烈風但去草絕根在於未
蔓撲火止燎貴乎速滅分命將帥寔資英果今
遣鎮南儀同司馬湘東公相劉廣德兼平西司
馬孫曉北新蔡太守魯廣達持節安南將軍吳

州刺史彭澤縣侯魯悉達甲士萬人步出興口
又遣前吳興太守胡櫟樹功將軍前宣城太守
錢法成天門義陽二郡太守樊毅雲麾將軍合
州刺史南固縣侯焦僧度嚴武將軍建州刺史
辰縣子張智達持節都督江吳二州諸軍事安
南將軍江州刺史安吳縣侯吳明徹樓艦馬步
直指臨川前安成內史劉士京巴山太守蔡僧
貴南康內史劉峯廬陵太守陸子隆安成內史
闕慎竝受儀同法薨節度同會故郡又命尋陽

太守華皎光烈將軍巴州刺史潘純陁平西將
軍郢州刺史欣樂縣侯章昭達竝率貔貅逕造
賊城使持節散騎常侍鎮南將軍開府儀同三
司湘州刺史湘東郡公度分遣偏裨相繼上道
戈船蔽水設騎彌山又詔鎮南將軍開府儀同
三司歐陽頎率其子弟交州刺史盛新除太子
右率遂衡州刺史侯曉等以勁越之兵踰嶺北
邁千里同期百道俱集如脫稽誅更淹旬晦司
空大都督安都巴平賊異凱歸非久飲至禮畢

乘勝長驅，勦撲凶醜，如燎毛髮。已有明詔，罪唯迪身。黎民何辜，一皆原宥。其有因機立功，賞如別格。執迷不改，刑茲罔赦。兵明徹至臨川，令衆軍作連城攻迪，相拒不能尅。世祖乃遣高宗、摠督討之。迪衆潰，妻子悉擒，乃脫身踰嶺之晉安，依于寶應。寶應以兵資迪，留異又遣第二子忠臣隨之。明年秋，復越東興嶺、東興南城、永成縣。民皆迪故人，復共應之。世祖遣都督章昭達征迪。迪又散于山谷。初，侯景之亂也，百姓皆奔本

業，羣聚爲次。唯迪所部無所不侵，擾並分給田疇，督其耕作。民下肆業，各有贏儲。政教嚴明，徵斂必至。餘郡乏絕者，皆仰以取給。迪性質朴，不事威儀。冬則短身布袍，夏則紫紗抹腹。居常徒跣，雖外列兵衛，內有女伎，投繩破篋，傍若無人。然輕財好施，凡所周贍，毫釐必鈎。詢於言語，而襟懷信實。臨川人皆德之。至是，並共藏匿。雖加誅戮，無肯言者。昭達仍度嶺，頓于建安。與陳寶應相抗。迪復收合出東興，時宣城太守錢肅、鎮東興以

城降迪吳州刺史陳詳率師攻迪世所兵太敗虔
化侯陳諺陳留太守張遂並戰死於是迪衆復
振世祖遣都督程靈洗擊破之迪又與十餘人
窺風干山穴中日月轉久相隨者亦稍苦之復遣
人潛出臨川郡市魚鮭足痛舍於邑子邑子告
臨川太守駱牙牙執之令取迪自効因使腹心勇
士隨入山中誘迪出獵伏兵於道傍斬之傳首
京都梟下朱雀觀三日
留異東陽長山人也世為郡著姓異善自居處

言語醞藉為鄉里雄豪多聚惡少陵侮貧賤守宰
皆患之梁代為蟹浦戍主歷晉安安固三縣令侯景
之亂還鄉里召募士卒東陽郡丞與異有隙引兵誅
之及其妻子太守沈巡援臺讓郡於異異使兄子
超監知郡事率兵隨巡出都及京城陷異隨臨城
公蕭大連大連板為司馬委以軍事異性殘暴無遠
略督責大連軍士及以左右私樹威福衆並患
之會景將軍宋二仙濟浙江異亦奔還鄉里尋
以其衆降于子仙是時大連亦趣東陽之信安

嶺欲之鄱陽異乃爲子仙鄉導令執大連侯景
署異爲東陽太守收其妻子爲質景行臺劉神
茂建義拒景異外同神茂而密契於景及神茂
敗績爲景所誅異獨獲免侯景平後王僧辯使
異慰勞東陽仍糾合鄉閭保據巖阻其徒甚盛
州郡憚焉元帝以爲信安令荊州陷王僧辯以
異爲東陽太守世祖平定會稽異雖轉輸糧饋
而擁擅一郡威福在已紹泰二年以應接之功
除持節通直散騎常侍信武將軍縉州刺史領

東陽太守封永興縣侯邑五百戶其年遷散騎
常侍信威將軍增邑三百戶餘竝如故又以世
祖長女豐安公主配異第三子貞臣永定二年
徵異爲使持節散騎常侍都督南徐州諸軍事
平北將軍南徐州刺史異遷延不就世祖即位
改授都督縉州諸軍事安南將軍縉州刺史領
東陽太中異頻遣其長史王漸爲使入朝漸每
言朝廷虛弱異信之雖外示臣節恒懷兩端與
王琳自鄱陽信安嶺潛通信使王琳又遣使往

守

東陽署守宰及琳敗世祖遣左衛將軍沈恪代
異為郡實以兵襲之異出下淮抗禦恪與戰敗
績退還錢塘異乃表啓遜謝是時衆軍方事湘
郢乃降詔書慰喻且羈縻之異亦知朝廷終討
於已乃使兵戍下淮及建德以備江路湘州平
世祖乃下詔曰昔四罪難弘大媯之所無赦九
黎亂德少昊之所必誅自古皇王不貪征伐苟
為時蠱事非獲已逆賊留異數應亡滅繕甲完
聚由來積干進謝群龍自躍於千里退懷首鼠

恒持於自心中法成密契番禺既弘天網照以名
爵敦以國姻儻望懷音猶能革面王琳竊據中
流翻相應接別引南川之嶺路專為東道之主
人結附凶渠唯欣禍亂既祛氛盪定氣沮心孤
類傷鳥之驚弦等窮獸之謀觸雖復遣家入質
子陽之態轉適侍子還朝隗囂之心方熾朕志
相成養不計疵慝披襟解帶敦喻懇勤終日彌
彰梟聲無改遂置軍江口嚴戍下淮顯然反叛非
容匿且縉邦膏腴積南殷曠永割王賦以進國

民竹箭良材絕望京華蓬蓬蒲小盜共肆貪戕念彼
餘甿兼其慨息西戎屈膝自款重關秦國依風竝
輸侵地三邊已乂四表咸寧唯此微妖所出且清珍
可遣使持節都督南徐州諸軍事征北將軍司空
南徐州刺史桂陽郡開國公安都指往擒戮罪止
異身餘無所問異本謂官軍自錢塘江而上安都
乃由會稽諸既果步道龍襲之畏聞兵至大恐弃郡奔
于桃支嶺於嶺口立柵自固明年春安都大破其
柵異與第二子忠三奔于陳寶應於是虜其餘黨
三子貞臣以尚主獲免

材

男女數千人天嘉五年陳寶應平并擒異送都
斬于建康市子姪及同黨無少長皆伏誅唯第
官軍鄉導破之由是一郡兵權皆自己出侯景
之亂晉安太守賓化侯蕭雲以郡讓羽羽年老
但治郡事令寶應興兵是時東境饑饉會稽尤

甚死者十七八平民男女竝皆自賣而晉安獨
豐沃寶應自海道寇臨安永嘉及會稽餘姚諸
暨又載米粟與之貿易多致玉帛子女其有能
致舟乘者亦竝奔歸之由是大致其產士衆彊
盛侯景平元帝因以羽為晉安太守高祖輔政
羽請歸老求傳郡于寶應高祖許之紹泰元年
授壯武將軍晉安太守尋加其外散騎常侍二
年封侯官縣侯邑五百戶時東西嶺路寇賊擁
隔寶應自海道趨于會稽貢獻高祖受禪授持

節散騎常侍以信武將軍閩州刺史領會稽太守
世祖嗣位進號宣毅將軍又加其父光祿大夫
仍命宗正錄其本系編為宗室并遣使條其子
女無大小竝加封爵寶應娶留異女為妻侯安
都之討異也賈應遣兵助之又資周迪兵糧出
寇臨川及都督章昭達於東興南城破迪世祖
因命昭達都督衆軍由建安南道渡嶺又命益
州刺史領信義太守余孝頃都督會稽東陽臨
海永嘉諸軍自東道會之以討寶應并詔宗正

推

絕其屬籍於是尚書下符曰告晉安士庶昔隴
西旅拒漢丕稽誅遼東叛換魏申宏略若夫無
諸漢之策動有扈夏之同姓至於納吳淠之子
致橫海之師違妙啓之命有甘誓之討况廼族
不繫於宗盟名無紀於庸器而顯成三叛豐深
四罪者平案閩寇陳寶應父子卉服支離子本迷
愛敬梁季喪亂閩隅阻絕父既豪俠扇動蠻陬
推髻箕坐自爲渠帥無聞訓義所資姦諂爰肆
蜂豺俄而解印下炎行方謝網漏吞舟日月居諸

弃之度外自東南王氣寔美聖基斗牛聚星允
符王迹梯山航海雖若款誠擅割環珍音微職
真朝廷遵養含弘寵靈隆赫起家臨郡兼書繡之
榮裂地置州假藩麾之盛即封戶牖仍邑櫟陽
乘華轂者十人保弊廬而萬石又以盛漢君臨
推恩婁劭隆周朝會迺長滕侯由是紫泥青紙
遠真恩澤鄉亭龜組頒及嬰孩自谷遷喬孰復
爲擬而苞藏鳩毒敢行狼戾連結留異表裏周
迪盟歆婚姻自爲唇齒屈彊山谷推移歲時及

我發騎防山定秦望之西部戈船下瀨克匯澤
之南川遂敢舉斧竝助凶孽莫不應弦摧翊盡
殪醜徒每以罪在酋渠憫茲驅逼所收俘馘竝
勒矜放仍遣中使爰降詔書息大網恢弘猶許改
思異既走險迪又逃刑誑侮土人爲之川藪遂
佞素熙請席遠歎頭行馬接觀蛙猶安井底至
如遇絕九賦剽掠四民闔堵咨其財盡室封奪凡
厥倉頭皆略黔首蝥賊相扇叶契連蹤乃復踰
冠瀛寇擾浹口侵軼嶺嶠掩龍襄述城縛掠吏

民焚燒官寺此而可縱孰不可容今遣沙州刺
史俞文昃明威將軍程文季假節宣猛將軍成
州刺史甘他假節雲旗將軍譚瑱假節宣猛將
軍前監臨海郡陳思慶前軍將軍徐智遠明毅
將軍宜黃縣開國侯慧紀開遠將軍新除晉安
太守趙彖持節通直散騎常侍壯武將軍定州
刺史康樂縣開國侯林馮假節信威將軍都督
東討諸軍事益州刺史余孝頃率羽林二萬蒙
衝蓋海乘跨滄波掃蕩巢窟此皆明恥教戰濡

須鞠旅累從揚僕亟走孫恩斬蛟中流命馮夷
而鳴鼓鼉鼉為駕轡方壺而建旗義安太守張
紹賓忠誠款到累使求軍南康內史裴咨忌新除
輕車將軍劉峯東衡州刺史錢道戢立即遣人
仗與紹賓同行故司空歐陽公昔有表奏請宣薄
伐遙途意合若伏波之論兵長逝遺誠同子顏
之勿赦征南薨謝上策無忘周南餘恨嗣子弗
承廣州刺史歐陽紇克符家聲聿遵廣略舟師步
卒二萬分趨水扼長鯨陸軍封禡董率衡廣之

師會我六軍潭州刺史李膺明州刺史訢昇新
州刺史區白獸壯武將軍脩行師陳留太守張
遂前安成內史闕慎前虜陵太守陸子略前豫
軍太守任登奴巴山太守黃法慈戎昭軍湘
東公世子公休敬成吳州刺史魯廣遠前日
州刺
史遂興縣開國侯詳使持節都督征討諸軍事
散騎常侍護軍將軍昭達率緹騎五千如甲二
萬直渡邵武仍頓晉安校轡揚旌夷山岳谷指
期掎角以制飛走削宣威太守錢肅臨川太守

駱牙太子左衛率孫詡尋陽太守莫彞豫章
太守劉庸德竝隨機鎮遏絡驛在路使三司節散
騎常侍鎮南將軍開府儀同三司江州刺史新
建縣開國侯法甦戒嚴中流以為後殿交斤鉞所
臨罪唯元惡及留異父子其黨主帥雖亡請泥
函谷相皆淮陰若能翻然改圖因機立功非止
肆眚乃如實擢其建晉士民久被驅迫宜大軍
明加撫慰晉安樂業流寓失鄉即還本土其餘
立功立事已具賞格若執迷不改同惡趙超齊

鉞一臨罔知所赦昭達既剋周迪踰東興嶺頓
于建安余孝頃又自臨海道襲于晉安寶應據
建安之湖際逆拒王師水陸為柵昭達深溝高
壘不與戰但命軍士伐木為籬俄而水盛乘流
放之突其水柵仍水步薄之寶應眾潰身奔山
草閒窘而就執并其子弟二十人送都斬于建
康市

史臣曰梁末之災沴羣凶競起郡邑巖穴之長
村屯鄔壁之豪資剽掠以致疆恣陵侮而為大

高祖應期撥亂戡定安輯熊羆即周禮留異陳
寶應雖身逢興運猶志在亂常晏即姦慝翻覆
夷滅斯為幸矣寶應及異世祖或敦以婚姻或
處其類族豈有不能威制蓋以德懷也遂乃背
恩負義各立異圖地匪淮南有為帝之志勢非
庸蜀啓自王之心嗚呼既其迷暗所致五宗屠
勦宜哉

陳寶應傳此皆明恥教戰濡頂鞠旅恐有誤 潼州刺
史李賸或本作李賸或本作李賸疑

列傳第二十九

陳書三十五

列傳第三十

陳書三十六

散騎常侍姚

思廉

撰

始興王叔陵

新安王伯固

始興王叔陵字子嵩向宗之第二子也梁承聖
中向宗在江陵為直閣將軍而叔陵生焉江陵
陷向宗遷關右叔陵幼也于穰城高宗之還也以
後主及叔陵為質天監加三年隨後主還朝封康
樂侯邑五百戶叔陵少穢辯徇聲名竊梁無所

推屈光大元年除中書侍郎二年出爲持節都督江州諸軍事南中郎將江州刺史太建元年封始興郡王奉昭烈王祀進授使持節都督江郢晉三州諸軍事軍師將軍刺史如故叔陵時年十六政自己出僚佐莫預焉性嚴刻部下懾憚諸公子姪及罷縣令長皆逼令事已豫章內史錢法成詣府進謁即配山其子季卿來領馬仗季卿慙恥不時至叔陵大加忿辱法成法成憤怨自縊而死州縣非其部內亦徵攝案治之朝

貴及下吏有乖忤者輒誣奏其罪陷以重辟尋進號雲麾將軍加散騎常侍三年加侍中四年遷都督湘衡桂武四州諸軍事平南將軍湘州刺史使持節如故四州鎮聞其至皆震恐股慄叔陵日益暴橫征伐夷獠所得皆入已絲毫

不以賞賜徬求役使無有紀極夜常不卧燒燭達曉呼召賓客說民間細事戲謔無所不爲性不飲酒唯多置餚蔬晝夜食敢而已自旦至中方始寢寐其曹局又安未非呼不得輒自呈答罪

者比繫獄動數年不當視瀟湘以南皆逼爲左
右壘置殆無遺者其中脫有逃竄輒殺其妻子
州縣無敢上言高宗弗之知也尋進號鎮南將
軍以擊鼓吹一部遷中衛將軍九年除使持節都
督揚徐東揚南豫四州諸軍事揚州刺史侍中
將軍鼓吹如故十年至都加扶給油潼車叔陵
治任東府事務多關必省閣執事之機承意順
旨即諷上進用之微致違忤必抵以大罪重者
至殊死道路籍籍皆言其有非常志叔陵脩飾

虛名每入朝常於車中馬上執卷讀書高聲長
誦陽陽自若歸坐齋中或自執斧斤爲沐猴百
戲又好遊冢墓閒遇有坐表主名可觀者輒令
左右發掘取其石誌古器并骸骨肘脰等物爲翫
弄藏之庫中府內民間少妻處女微有色貌者
竝即逼納十一年丁所生母彭氏憂去職頃之
起爲中衛將軍使持節都督刺史如故晉世王
公貴人多葬梅嶺及彭卒叔陵啓求於梅嶺葬
之乃發故太傅謝安舊墓葬去安柩以葬其母

初喪之日，偽為哀毀，自稱刺血寫涅槃經，未及十日，乃令庖廚擊鮮，日進甘膳。又私召左右妻女，與之姦合，所作尤不軌。侵淫上間，高宗譴責御史中丞王政，以不舉奏免。政官又黜其典籤親事，仍加鞭撻。高宗素愛叔陵，不繩之以法，但責讓而已。服闋，又為侍中、中軍大將軍，及高宗不豫，太子諸王竝入侍疾。高宗崩于福殿翌日，且後主哀頓，俯伏。叔陵以剝藥刀斫後主中項，太后馳來救之。馬叔陵又斫太后數下，後王乳

媪吳氏時在太后側，自後制其肘，後主因得起。叔陵仍持後主衣，後主自奮得免。長沙王叔堅手搯叔陵奪去其刀，仍牽就柱，以其袖縛之。時吳媪已扶後主避賊，叔堅求後主所在，將受命焉。叔陵因奮袖得脫，突走出，出雲龍門，馳車還東府，呼其甲士散金銀以賞，外召諸王將帥，莫有應者。唯新安王伯固聞而赴之，叔陵聚兵僅千人，初欲據城保守，俄而右衛將軍蕭摩訶將兵至府西門，叔陵事急惶惑，乃遣記室袁詠

送其鼓吹與摩訶仍謂之曰如其事捷必以公
為台官牘摩訶始報之曰須王心背節將自來方
敢從命叔陵即遣戴溫譚麒麟二人詣摩訶所
摩訶執以送臺斬於閣道下叔陵自知不濟遂
入內沈其妃張氏及寵妾七人于井中叔陵有
部下兵元在新林於是率人馬數百自航渡欲
趨新林以舟艦入北行至白楊路為臺軍所邀
伯固見兵至旋避入巷叔陵馳騎拔刃追之伯
固復還叔陵部下多弃甲潰散摩訶罵安陳智

畫

深迎刺叔陵僵斃于地閣賊主飛禽抽刀斫之
十數下馬客陳仲華就斬其首送于臺自寅至
巳乃定尚書八座奏曰逆賊故侍中軍大將
軍始興王叔陵劫而復反臣等貪虐湘南
及鎮九水兩藩臣庶掃地無遺賊目豺聲狎近
輕薄不孝不仁阻兵安忍無禮無義唯恐是聞
及居偏憂姪樂自恣產子就館日月相接畫伏
夜遊恒習姦詭抄掠居民歷發上墓謂大傅晉
朝佐命草創江左斷棺露骸專執焉聽視天行

什

皇帝宣朕疾翌日未瘳叔陵以貴介之地參侍醫
藥外無戚容內懷逆弒大漸之後聖躬號擗遂
因崩旬手犯乘輿皇太后奉臨又加絳乃躬凶
極逆曠古未儔賴長沙王叔堅誠孝懇至英果
奮發手加挫拉身蔽聖躬叔陵仍奔東城招集
兇黨餘毒方熾自害妻孥雖應時暴猶未據
憤怨臣等參議請依宋代故事流尸於江汴渚
其室并毀其所生彭氏墳廟還謝氏之塋制曰
凶逆梟鏡反噬宮闈賴宗廟之靈時從什滅撫

情語事酸憤兼懷朝議有章宜從所奏也叔
陵諸子即日竝賜死前衡陽內史彭暹諮議參
軍兼記室鄧信中錄事參軍兼記室諒典籤
俞公喜竝伏誅高叔陵舅也初隨高在關中
頗有勳効因藉叔陵將領歷陽衡陽二郡信以
便書記有寵謀謨皆預焉諒京兆人梁侍中護
軍將軍參之也也以學業為叔陵所引陳智深
以誅叔陵之功為巴陵內史封游安縣子陳仲
華為一小舊太守封新夷縣子王飛禽除伏波將

軍賜金各有差

新安王伯固字宰之世祖之第五子也生而龜
背目通精揚白形狀眇小而俊辯善言論天嘉
六年立為新安郡王邑二千口廢帝嗣立為使
持節都督南琅邪彭城東海三郡諸軍事雲麾
將軍彭城琅邪二郡太守尋入為丹陽尹將軍
如故太建元年進號智武將軍尹如故秩滿進
號翊右將軍尋授使持節都督吳興諸軍事平
東將軍吳興太守四年入為侍中翊前將軍遷

以前將軍中領七年出為使持節散騎常侍

都督南徐南豫南北兗四州諸軍事鎮北將軍

南徐州刺史伯固性嗜酒而不好積聚所得祿

俸用度無節酣醉已後多所乞丐於諸王之中

最為貧窶高宗每矜之特加賞賜伯固雅性輕

率好行鞭捶在州不知政事日出田獵或乘眠

輦至於草間輒呼民下從遊動至旬日所捕麇

麇多使生致高宗頗知之遣使責讓者數矣十

年入朝又為侍中鎮右將軍尋除護軍將軍其

年為國子祭酒領左驍騎將軍侍中鎮右茲如
故伯固頗知玄理而墮業無所通至於摘句問
難往往有奇意為政嚴苛國學有墮遊不脩習
者重加撻撻生徒懼焉由是學業頗進十二年
領宗正卿十三年為使持節都督揚南徐東陽
南豫四州諸軍事揚州刺史侍中將如故後
王初在東宮與伯固甚相親狎伯固又善嘲諷
高宗每宴集多引之叔陵在江州心害其寵陰
求疵瑕將中之以法及叔陵入朝伯固懼罪詣

求其意乃共訕毀朝野歷詆文武雖著年高位
皆面折之無所畏忌伯固性好射雉叔陵又好
開發冢墓出游野外必與偕行於是情好大叶
遂謀不軌伯固侍禁中每有密語必告叔陵及
叔陵出奔東府遣使告之伯固單馬馳赴助叔
陵指揮知事不捷便欲遁走會四門已閉不得
出因同趣白楊道臺馬客至為亂兵所殺尸於
東昌館門時年二十八詔曰伯固同茲悖逆殞
身途路今依外議意猶弗忍可特許以庶人禮

葬又詔曰伯固隨后巨逆台絕于天俾無遺育
而有恒典但童孺靡識兼預葭茅實之由人良
以惻憫及伯固所生王氏可竝持宥為屏國險
史臣曰孔子稱富與貴是人之所欲非其道得
之不處也上自帝王至於黎獻莫不嫡庶有差
長幼攸序叔陵險躁奔競遂行悖逆形骸
未臻其罪汗流居處不足彰過惡哉

飛禽涂伏波將軍或本祥使後將軍

列傳第三十


東

十六

同書

通鑑

24419.6



#953.2
4363

程

